

**1483.**

223

al mynen erven, gheboren unde ungeboren, hebbe ghebutet unde ghewesselt tho eynen steden vasten ewijghen unvorbroken butynghe unde weslinghe myt den erbaren heren, her Abbe, commenduer tho Abbinchwer, unde conventesluden, susteren unde broderen, in zodaner manneer, dat ick Hompe voirben. den vorscr. convent overgheve unde overdraghe voir my unde alle myne erven int ewych Ubbingheweere myt den Heller, gheheten Ubbingha Fletesham, dat ick in voirtyden hebbe ghekofft van mynen oem Heren Hompen unde Tetten syn moder, nae uthwysinghe oerer bezegelden breff dairup ghegeven, dat Heren erben. angeheervet ys van synen olderen. Dair my wedder to myner vuller noeghe is voir ghegeven int ewych derteyn grazen medlandes, beleggen in Dammuser hamerke, de seven grazen gheheten Tyadsna land, unde derdehalff gras licht dairan by de westerende, unde verdehalff gras, gheheten lutke Merne. Dysses voirsr. butynghe scal ick Hompe unde wyl voir my unde alle myne erven int ewych den vorscr. convente vryg warende wezen voir alle ansprake, als dat de vorscr. conventesluden moghen dyth vorb. land brueken, voirwesselen, voirhuren, woe<sup>1)</sup> eme dat nutte unde orber is ane jemandes weddersprekent ane alle arghelist, unde voirlathe alle eghendoem, de ick Hompe vorscr. hat hebbe up dyth voirsr. land. Hyr by unde an sint aver ghewezen de erbaren unde voirsichtigen mannen Nome Meckena, Ghert van Gelderen, boirghermeistere in Emeden. In orkunde der waerheyt, so heb ick Hompe erbenomed ghebeden fruntliken den ersamen heren, her Jacob Klinckart, to onser leven Frowen altaer prebendaten bynnen Emeden, umme dessen breff to bezegelen, unde ick Jacobus voirben., umme bede wyllen Hompen, hebbe myn ingeseghel wythliken ghanghen an dyssen apenen bezeghelden breff. Int jaer uns Heren dusent veerhundert vyff unt tachtentich, up sunte Viti avent.

Das Siegel ist verloren.

**1152.**

*Der Komthur von Witwert, Kommissar des Johanniterordens in Friesland, bekundet, dass Johan Grone übernommen hat, die Verpflichtungen seines verstorbenen Bruders gegen das Kloster Abbingweer und sonst zu erfüllen.*

Orig. Perg. Komm. Abbingweer, Nr. 16.

**6. August 1485.**

Wytlick, kundich ende openbaer sy enen yeweliken, dar desse opene breff sal an werden ghetoeht, dat vor my broder Johannes Munter, oetmodich commendur to Wythwerth ende com-

**1151.** <sup>1)</sup> Orig. voe.